



太谷縣志



乾隆六十年重修



本館藏版

重脩太谷縣志序



古者職方掌天下之圖司民書民數
以登天府有土有人之義至深遠也
方今海內

昇平疆宇式廓統志省志之脩廣於前

太谷縣志

卷一

序

一

代而郡縣等志亦以次脩舉蓋其涵

育

聖化之久百有餘年而風俗之淳厚土田

之肥美四民之各適其業按籍可稽

駸々乎稱

盛軌焉今太谷令 河陽郭君為政於
其邑越五載政通人和其民相與安
之因率邑之紳士重輯舊志而請序
於余余惟邑乘之作固不獨彼都人
士之美抑亦為治者所當攷鏡也谷

邑在郡東南地非孔道其事稍簡然
而土廣民衆士農雜處於中觀其闡
闡商賈輻輳甲於晉陽田賦之載籍
者以萬計也士民之居業者以億數
也茲斯邑者考其志求其人因謀其

所以為治將以親賢則有舊德之名
氏將以利氓則有先疇之畝畝將以
通商任工則有族世之所鬻與夫高
曾之規矩守唐魏儉足之風而無蟬
螬福嗇之習使民各得其所不將於
是書之成重有賴歟余自平陽移守
太原復奉

天子命觀察茲土凡於民生土俗之攸繫

兢焉實未敢暇則斯意也豈惟

郭君勉之亦將與諸君子共勉之是

為序

乾隆乙卯暮春上浣山西翼寧觀察使

者桐山張曾誼撰



太谷縣志

卷一

序

四

叙

余守西河有年時以事往來
會垣其間土地之厚瘠風俗
之良莠或得之於車馬道路
鄉里所傳聞或得之於舍館
公庭朋儕所論議心竊誌之

太谷縣志

卷一

一

歲癸丑奉

檄移守晉陽簿書之暇乃得
取志乘一一覽之蓋視前之
所知又加詳焉陽邑于郡以
殷庶稱聞其間商賈輻輳市
肆鱗集西北至燕秦東南至

于吳越荆楚之境意者操竒
贏計子母習于金貝錢刀之
氣深而文物詩書之意少歟
乙卯春浣溪郭尹以邑人士
之請重輯邑志既齋事祈序
于余余維山川疆域城郭廨

舍與夫丁徭戶口制度之增
減稽之載籍攷之令典固已
第覽其風俗則由武勁而純
和其科第則莘莘蔚起其學
校則以時而興其忠義節烈
炳旂常而光里閭者較他邑

為獨著然後知前之所聞固未足以盡此方之盛也雖然富也可教亦沃也易淫由今之志無改今之俗庶蒸蒸日上登上理焉則余之望也夫乾隆乙卯歲春三月上澣知

太原府事北平鄧希曾撰



敘

志者史之餘也或曰今

郡縣之志即古列國之

史然孝周禮春官小史

掌邦國之志鄭司農云

春秋所謂周志國語所

謂鄭書是也外史掌四

大谷縣志

卷一序

一

方之志注引春秋檮杌

是則其時對國之史於

王朝亦皆白志所異者

編年記傳百夫志與史

同泐者為記載與史殊

體者為褒貶王文簡蠶

尾集謂前明郡邑志記

對山蒼功為稱首宋牧
仲亦有蘭潔居然並馬
班之句覽之信然獨官
市之門美惡同豈論者
猶謂侵史之體不無遺
議焉余記為志之難有
二白事白舜何則志記

太谷縣志

卷一序

二

存典制而備稽孝直疆
里城鄣田賦諸大端及
戎役之興革異同
均當條析原委記待采
夙學士文人弱於詞華
爾雅之言妄工假借殊
不知三都伯賦尚譏靈

橘比目況有關於政治
掌故者乎故肥羸而拵
事者其失弋然而弋邑
之中賒稅有冊藉營建
有歲時增設裁改及夫
仕宦科名弋切有豈記
苟文之不存徒從其質
又或沿訛左昔孝謚無
資則數吏胥執筆而錄
之數曰竣矣故肥事而
癯辭者其失二肥茲二
失更有五敝義例未審
敝在闔交游之請敝在
私奮筆法除敝在刻凡

從記載敝在寬至於百
目所不及資之探訪探
訪所不及又資之人言
輾轉相資而良者反莠
莠者反良此則凡修志
者之通敝故非詳審慎
擇得邑之老成公正者

大谷縣志

卷一序

四

襄其事未易輕言是舉
也太谷志修自乾隆乙
酉屆今三十一年歲甲寅
邑人來言於余請重輯
洪維我

國

家文物殷明

覃

數中水雖方隅之區而

科第文章祀及忠義節
烈之事播在人口者多
有茲舉其未可緩爰祀
仲冬開局四閱月而竣
事但余舊學久荒簿書
鮮暇孝訂之餘視所謂
二難五敝者無能自免
差牽襄事諸君皆此方
之望乞米立傳既可信
無其人而凡舊志人物
節孝不敢祀幸遠失孝
鹵莽就芟即今之舉報
者亦皆平心核實分別
人書或者私與刻二敝

可告無過於都人士焉
云尔昔
乾隆六十年歲次乙卯
二月下澣知太谷縣事
河陽郭晉撰書



太谷縣志舊序

蒞茲土七年矣負性疎鈍攝官承乏常以不克蕲
事爲憂治賦審刑聽獄訟檢簿書而外欲與三五
賢達論列古今考證得失愧未遑也今歲首春邗
之紳士耆舊進而請曰邑志之不修三十餘載明
府其無意乎余瞿然謝不敏旣而思之國之有志
也所以通古今之因革紀風俗之淳漓詳時地之
異同誌人文之美盛其體例雖異於史而實供作
史者之採擇若使傳聞失實虛美徒夸文不雅馴

太谷縣志

舊序

一

語無倫脊誠不如其已也顧自前令王公沿舊志
而增葺之厥後如職官選舉人物藝文諸條有當
增入者文與詩之不入格所當汰棄者寧得以不
文辭因爲悉心採訪與江寧涂君長卿皖桐姚君
蒙泉潤色釐定鳩工鋟木經始於仲春之朔竣事
於季夏之杪六閱月而告成其間斟酌損益刪繁
補漏不敢謂毫髮無憾而事必徵信言不近俚亦
庶幾其有當焉或者曰今

國家重熙累洽西陲遠裔盡入版圖聲教所被且及

荒服二萬里外將來戶口之殷庶田賦之廣充文章禮樂之覃敷有非前世所能幾及者區區邑乘何足以云余曰不然

治化之廣運如日之在天不可謂容光之隙非陽烏所照臨也又况古今來臣忠子孝夫義婦聽無地無之由邑而郡由郡而國由國而天下而貞元之氣會焉其散之則東南之秀麗西北之鬱蒼山川形勝民風物產紀載纖悉有缺長吏之過也昔李延壽南北史端紀傳而畧表志論者猶不無遺憾

太谷縣志

舊序

二

陸天隨作甫里志云吾以紀一里之勝槩俾後來知有述也况茲邑自處父受封迄今二千數百餘年政典財賦所關於文獻者甚鉅敢任其廢墜於蠹蝕哉志成爰書其概於簡端時

大清乾隆三十年歲在旃蒙作噩林鍾之月文林郎知太谷縣事卓異候陞加一級梁山高繼允潤

南甫撰

太谷縣志舊序

古無所謂志自伯翳撰山海經識靈祇異域及禽獸木石諸狀文綦古矣然多駭而不經禹貢一書釐山川形勝綜田賦物產而上下之詞約旨該其志之鼻祖乎周禮仿其意有職方氏班孟堅作漢書有地里志厥後國有通志郡邑有郡邑志皆得詳其圖籍藏之政府以爲總覽天下之大綱志非守土者之要書哉余自辛亥歲來宰是邦觀鳳山之嶙峋象水之激灑車服文物之清奇其士人重

太谷縣志

舊序

一

廉耻尚節義男務畊女務織勤儉致殷阜卽一絲一粒重而積之得未會有輒喜動顏色曰美哉其有陶唐氏之遺風乎因索邑乘觀之適前此蒞茲土者爲吾族兄又襄公於己酉歲奉

檄重修縣志已編次成帙矣披閱數過所謂地理天星山川形勝戶口丁徭田畝賦役及風景人物疆圉關隘等項俱分門別類編緝周至成一完書余亦何敢復贅一辭第當時僅繕藁本而又襄公旋以才能調任西陲正所謂莫爲之後雖盛弗傳

者且自己西迄今十有餘年未經編緝之事蹟例應增入者不少爰是叅舊校新酌古準今如錄節孝雖窮簷編氓一善不遺考藝文合人心世道者方載至戶口繁庶人文蔚蒸科第蟬聯視昔有加總事求切實無借鉛華以無負前人仿古作志藏諸政府之遺意雖不敢謂詳略得宜斟酌盡善用以贊揚治化鼓勵風俗其庶幾乎亟命剞劂告竣余自揣難免續貂而又襄公重纂之盛舉乃相與有成矣志成而所以爲志者不在虛文而在核實

大谷縣志

舊序

二

余涼德雖日以地方民生爲念恐多未逮惟願後之蒞茲土者睹斯志而重念民物風俗愛養教誨俾士人母喪廉恥母亡節義男母輟畊女母廢織母勤而忽惰母儉而忽奢卽市廛之中商民錯雜母遊戲狎玩則谷民始終有陶唐氏之風家殷戶阜而樂利無疆之休以世世享

聖天子昇平之福者舉不外是編而得之孰謂邑乘之無補於治哉是爲序

乾隆四年歲次己未六月之穀旦文林郎知太谷
縣事潞陵王澤沛作霖氏撰并書

太谷縣志

舊序

三

太谷縣志舊序

封建遠而史湮史湮然後志作今之志古之史也
州縣合之郡郡合之藩詳定考實合之宗伯是志
雖始於郡縣而籍則掌於

天府凡疆域道里山川物產里數戶口兵刑錢穀有
關於民生日用會計幽明禮樂之數足爲政治之
權衡者皆具其中一有取舍歛散則按圖而考以
及古今人傑載垂不朽激濁揚清可以曠世而相
感蓋煌煌鉅典也自浮夸始於左氏後之作者無

太谷縣志

舊序

一

論寡陋舛鄙使天地之英華山川之輝媚名物象
數之森羅政教名碩之芳蹟閉塞湮鬱而不宣卽
有博學廣淵苦心掇拾之彥逞芬華於繡頰鋪葩
麗於鋒穎揚徽失實得半誇全使百世而下憑弔
逞古無足徵信幾欲取傳書而置之嗚呼邦國有
志用以傳信斯安在其傳信也歲己酉余膺
簡命來蒞茲土甫及半載恭遇

皇上命儒臣纂一統志

大中丞石公 藩憲蔣公纂山西通志徵各屬郡

邑志以備採擇爰有重修縣志之役予乃敦請鄉
縉紳先生進士武君一韓等共襄厥事披覽舊章
詳加考証夫惟山川形勝固千秋不改無容增損
矣他如民情習尚之變遷宮室坊里之興廢雖事
屬瑣屑實廢名存亦必詢採綜輯纖悉不遺若人
物爲風俗之本綱常關名教之大在昔賢人君子
有懿行昭垂芳名布冊按其境則事無可蹟籍無
可考者仍依原本鐫錄蓋善善欲長之意也更有
今爲荆榛邱阜蒙密蔽翳蟲虺狸鼠之所棲而昔

大谷縣志

舊序

二

賢曾愆焚而過歷之者不妨旁搜廣証以顯其踪
蓋記德不厭詳足以新後世之耳目使人震於其
名而慕之也至數十年來忠孝節義不乏著見矢
公矢慎闡幽表微雖赫奕不爲假借雖側陋亦與
顯揚藉使評衡有爽不惟爲輿論所譏而賢人君
子義士節女之英魂烈魄蓋有伏怨於冥冥者敢
以一語之誕謬爲千秋榮辱之倒置哉爰分門別
類編次成帙凡爲卷八爲目三十錄呈

上憲用副鉅典復命剴劂俾後之蒞茲土者開

瞭然按其規模乘權而布之釐定因革流以惠愷
謂非勩勤治理之一助乎是爲叙

旨

雍正七年歲在屠維作噩律中無射之上浣文林
郎知太谷縣事辛卯科舉人三韓王廷贊又襄氏
譔

太谷縣志

舊序

三

太谷縣志舊序

志以識郡邑之事郡邑之文獻也合禹貢職方周
官而爲書經之緯之如輪之貫輻而紀之屬綱舉
上下數千百年之蹟釐然備具於尺幅之中故作
者不輕而行者可遠谷邑舊有錄本未有志志自
明萬歷丙申始草創缺略居多蓋創始者難爲工
理固然也洎

國朝順治乙未仍翻刻舊本於

鼎興以來事蹟另闌入一冊一書而二之體裁又甚

太谷縣志

舊序

一

不倫叅考互訂梓爲成書若有待焉恭逢

聖天子踐祚之七年命儒臣纂一統志用紀人道化成

之休爰昭海宇昇平之烈

大中丞石

藩憲蔣採訪名公纂山西通志因下修府州縣志
之檄

邑侯王公屬余共襄厥事余惟紀載有體志之體
史之翼也遷之記固之書尚論者以爲贍而不華
詳而有體而志可知矣志必結撰謹嚴爲一邑不

刊之典與夫語林說部山海齊諧之辨博詠奇不
同故無取溢溢則徒飾輪轅難美觀聽亦無取窘
窘則瑣聞隅見未廓叮哇於義均無當焉爰廣蒐
博採得前輩杜鳳麓先生遺稿先是康熙甲寅奉
憲頒體式纂修成帙未授梓而中止余見其斟酌
盡善詳略得宜宛若班馬家法因按行校讎稍加
刪定脫舊稿而增其所未備雖學問識力萬不逮
前人而區區之心矢公矢慎不輕譽一人亦不濫
入一事有可告無愧於天地鬼神者三越月而厥
事竣焉凡爲卷八爲目三十而山川疆域風土人
情與夫禮樂兵農忠孝節義莫不釐然備具於尺
幅之中異日採風者悉其情形按其規模而次第
從事其於吏治民生未必無少裨補云 旨

雍正七年菊月中浣之辰

賜同進士出身吏部候選知縣邑人武一韓謹序

稷山縣教諭丁酉科拔貢趙德輿上俱邑人

叅訂

布政司經 歷武先恂

介休縣教諭庚子科舉人楊佩三

廩 貢 生車國翰

廩 膳 生武安宇

附 貢 生胡浩學上俱邑人

繪圖

候 選 府 經 歷車國珍邑人

太谷縣志

纂修職名

二

督刊

太谷縣主簿分駐范村鎮江蘇蘇州府長洲縣吳 松

太谷縣典史廣東嘉應州鎮平縣曾 秀

採訪

國子監學正原任左雲縣訓導庚辰科舉人孫有謚

甲 寅 科 副 榜杜靈鍾

恩 貢 生孟廷亮

長治縣教諭丙子科舉人白顯祖

己 卯 科 武 解 元李楷

山陰縣訓導 戊子科舉 人游巨卿

阜寧縣知縣 庚寅科舉 人武先振

石城縣知縣 甲午科舉 人牛敬一

庚寅 寅科 武舉 要定國

庚子 子科 舉 人冀承祖

巳亥 亥科 舉 人杜騰萬

分發試用知縣 議叙加三級 癸卯科舉 人賈光籍

戊申 申科 舉 人要蘭若

主事 議叙 加一級 郭璉

太谷縣志

纂修職名

憲 大

三

中 憲 大 夫温常縉 生劉綬寰

附 歲 貢 生侯六德

歲 貢 生籍廷璋

例 貢 生郭大讓

州 同 知馬 榦

廩 膳 生任一硯

廩 膳 生武執蒲

郡 庠 生楊文範

庠

生段學誠

太

生范生礪

太

生吳企泰

太

生賁世煥

太

生劉際華

太

生賈桂德

太

生吳璜

從

品呂有聰

膳錄

上俱邑人

太谷縣志

纂修職名

四

郡

庠

生李向嵐

廩

膳

生房文

增

廣

生趙德進

庠

生楊遂

庠

生侯子正

庠

生姚世杰

庠

生孟先華

庠

生張效先

庠

生杜瑋

上俱邑人

太谷縣志舊修職名

康熙甲寅纂修

文林郎知太谷縣

事趙希孔

瀛海人

儒學

訓

導賀應熊

鄂陽人

原任東陽縣知

縣李抒玉

原任吳江縣知

縣吳就恒

歲貢

生龐世淳

歲貢

生胡堂

拔貢

生胡衍虞

太谷縣志

舊修職名

郡廩

生孫雲襄

廩膳

生杜可柱

上俱邑人

雍正己酉纂修

文林郎知太谷縣

事王廷贊

三韓人

儒學

教

諭黃鑑

聞喜人

丁未科進

士武一韓

歲貢

生武尚仁

增廣

生杜亦預

廩膳

生孟世祿

廩

膳

生杜公寶

上俱邑人

叅閱校正

郡

廩

生杜方盛

廩

膳

生吳勳

增

廣

生武定

增

廣

生杜觀光

庠

生孫有訓

庠

生吳永銘

庠

生程式伊

太谷縣志

舊修職名

二

庠

生來秉義

上俱邑人

乾隆己未增修

文

林

郎

知

太

谷

縣

事王澤沛

通州人

儒

學

教

諭王

詔

石樓人

儒

學

訓

導李

樞

孟縣人

典

史葉鵬揚

大興人

叅閱校正

廩

生孫有誼

增

生孫有讓

庠 生孟熙

庠 生陳其力

郡 生趙復林 上俱邑人

經理督刊

侯 選 州 判車相梅

癸 巳 武 舉呂安敦

甲 午 武 舉趙克昌

庚 子 武 舉李露

巳 酉 武 舉杜履恒

太谷縣志 舊修職名 三

巳 未 科 武 進 士姚元奮

候 選 主 簿吳其謐

增 生孟世元

武 生武一范

貢 生程健

貢 生孟世祥

庠 生孟式 上俱邑人

乾隆乙酉續修

文 林 郎知太谷縣 事高繼允 梁山人

舉

人姚孔碩

桐城人

舉

人涂逢豫

江寧人

採訪

已

酉

科

舉

人孫莊

長

淮

衛

守

備趙克欽

附

貢

生孟世德

上俱邑人

校錄

太

學

生杜乃苑

州

同

知孟宜肅

太谷縣志

舊優職名

四

已

卯

舉

人孟潛

庚

辰

舉

人孟啟桂

歲

貢

生吳其讓

附

貢

生孟式

上俱邑人

監修

典

史趙大召

荷澤人

凡例 共十三則

一志首繪圖體例各異有於圖之後各繫以說者然分星疆域山川城郭公署學校等既已立有專門原委分明於文無難互見卽十景所載分屬於山川寺觀古蹟各條下而每條業經注明某景又詩賦載於藝文內只須於每圖各標名目無庸複說

一舊志所沿未敢立異亦未敢從同參井分野見於通志雖恢恢大圓不能以一隅定其次舍而

太谷縣志

凡例

一

星辰之遠惟求其故以左氏証史漢則昴畢之說未敢襲焉

一疆域沿革概從舊志山川則校之通志訪諸土人增入古蹟則詳查本傳並歷代地志等書辨明城郭公署學校等曾經興修與田賦鹽法等條例概經詳查輯入

一舊志八景於名區勝境不無遺略今增入雪峰夕照磨龕雲樹共爲十景蓋古城吳塚等相沿

已久仍其舊云爾

一水利爲農田之本其間築堰開渠灌田有先後
用水有分數有時刻業經相習而安未便以一
人呈送卽爲載入啟爭故悉仍舊志無取變更
一舊志有祥異一門蓋郡邑志乘習而相沿方今
我
國家玉燭時調不獨無異之可紀而

聖世不言符瑞並亦無奇祥之可書至於雨暘薄蝕
則陰陽氣候躔度運行之常理况紀之者有太
史氏在非郡邑所當載筆也今爲刪去

太谷縣志

凡例

二

一漢唐諸史人物科第詳於祁而略於谷疑祁谷
分界古今不同又唐武德年以二縣并隸太州
厥後分壤交錯故谷於唐以來名輩寥寥甲科
亦尠其可紀者自金元始舊志之說如是今繙
史傳洵無可增補者故悉仍舊志惟自乙酉以
後增入之

一鄉舉里選成周之法也漢已有茂才高等賢良
對策唐以後則悉由科目故文獻通考已不能
不分舉士舉官爲二類而他志每以選舉該之

兩非其實矣今分科目仕籍二門似爲允晰
一舊志人物儒林篤行二門按其事蹟於目未能
盡合今酌別改載又增列宦蹟一門於儒林之
外其矩步規行鄉黨自好以及慕義樂施在人
口頰者則以耆善該之亦循名核實之義也
一舊志隱逸一人按其事實移載篤行今旣無輯
入者此門從闕

一列女舊附人物中今特爲表出另立專門其年
例相符已邀旌典與未經題請者固行載列卽

太谷縣志

凡例

三

或青年守志中道而殂援蓋棺論定之義亦爲
輯入以闡幽芳

一谷邑數十年中忠義疊著仰邀

聖恩諭祭立傳實方隅罕有之殊榮今於藝文中敬

謹首列

御製其本邑藝文則分別選附各門之後

一藝文必其人其事其地於本邑有關者方爲登
載外此鴻篇鉅製弄月吟風雖有佳篇而志例
未符槩從割愛文人韻士其共諒之

太谷縣志總目

卷一

圖考 星野 疆域 山河 城池 公署 學官 十景

星野

疆域 附關隘津梁

卷二

沿革

山川

城池 附村堡岩墩營房

太谷縣志



公署 附坊表

學校

壇廟 附寺觀

卷三

古蹟 附碑碣塚墓

水利

田賦 附鹽法

風俗 附土產

職官

名宦

卷四

科目 附鄉飲

仕籍 附封典

卷五

人物 分封 功勛 忠烈 宦蹟 儒林
篤行 者善 仙釋

列女

卷六

藝文上

大谷縣志

總目

二

御製 附明勅諭 疏 檄 序 記

卷七

藝文中 傳 墓誌

卷八

藝文下 墓表 附祭文 賦 詩

太谷縣志卷一

圖考

周禮大司徒職方氏掌天下土地之圖尚矣秦漢而下東漢則有郡國圖隋曰區宇圖唐有十道圖一郡一邑莫不皆然蓋自列宿之次舍山川城郭之廣輪文人學士繁稱博引有不能得要領者一披圖而燦如指掌故左圖右史古人並列而於地志尤重焉志圖考


太谷縣志

卷一

繪圖


一

參宿圖



天授... 卷一... 繪圖... 參宿圖... 玉井... 軍井... 屏星... 廁... 天屎

城池圖



太谷縣志

卷一 繪圖

四





縣治圖


大谷縣志

卷一


繪圖

五





分防廳圖



大谷縣志

卷一



繪圖

大谷縣志

卷一

繪圖

七



鳳山春色




龍泉

太谷縣志

卷一

繪圖

九



鳳山書院

象水秋波

太谷縣志

卷一

繪圖

十

白川

白川



大谷縣志

卷一 繪圖

十一



龍岡煙雨




大谷縣志

卷一

繪圖

十二



馬陵積雪



太谷縣志

卷一

繪圖

十三




古城芳州

太谷縣志

卷一

繪圖

十四



吳家斜
陽



太谷縣志

卷一

繪圖

十五



松嶺晴嵐



太谷縣志

卷一

繪圖

十六



酌泉春水



酌泉

大谷縣志

卷一

繪圖

十七



磨龕雲對



太谷縣志

卷一 繪圖

十八



雪峯夕照



大谷縣志

卷一 繪圖

聘三車國珍繪

十九



太谷縣志卷一

星野

周禮司徒言十有二土未嘗指言其所應保章氏言以星土辨九州之地未嘗析言其所辨自漢以後天官家言乃人人殊矣定昴畢之訛攷參井之次志星野

參十度上爲五星日月中道甘氏曰參爲忠良孝謹之子明大則臣忠子孝安吉一曰參伐一曰大辰一曰天市一曰鈇鉞又爲天獄又主權衡所以平

太谷縣志

卷一

星野

一

理也又主邊城爲九譚故不欲其動也參白虎之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也又曰七將皆明天下兵精也玉井四星在參右下水象也屏二星在玉井南屏爲屏風玉井東西四星曰軍井行軍之井也軍井未達將不言渴名取此也又曰主軍營之事天厠四

星在屏東溷也天屎一星在厠南色黃則吉

井三十四度廿氏云井八星在河中主泉水日月五星質之爲中道石氏謂之東井亦曰天井主諸侯帝戚三公之位故明大則封侯建國張衡云天之南門也黃道所經爲天子之亭候主水衡事法令所取平也王者用法平則井明而端列鉞一星附井之前不欲其明月宿井有風雨之應又曰井爲天子府中有六星不欲太明南北兩河各三星分夾東井一曰天高天之闕門主關梁河南曰南成一曰南宮一曰陽門一曰越門一曰權星主火河

大谷縣志

卷一

星野

二

北曰北戌一曰北宮一曰陰門一曰胡門一曰衡

星主水兩戌之間三光之常道也天罇三星在五

諸侯南主盛饘粥以給酒食之正也張衡云以給

貧餒明則豐或言暗吉五諸侯五星在東井東北

近北河主刺舉戒不虞又曰治陰陽察得失一曰

師二曰友三曰三公四曰博士五曰太史又曰五

曰大夫此五者常定疑議星明大潤澤則天下大

治張衡又曰五諸侯治陰陽察得失明而潤大小

齊等則國之福積水一星在河北所以供酒用也

積薪一星在積水東以脩庖厨之用明則人主康
水府四星在東井西南水官也占與水位同水位
四星在東井主水衡又主瀉溢流也四瀆四星在
井南軒轅東以江河淮濟之積精也軍市十三星
如錢狀在參東南天軍貨易之市野雞一星在軍
市中主變怪也軍市西南二星曰丈人丈人東二
星曰子子東二星曰孫丈人主壽考之臣子與孫
皆侍丈人之側相扶而居守常無咎闕兵三星在
南河東主象魏天子之雙闕諸侯之兩觀也狼一

太谷縣志

卷一

星野

三

星在井東南爲野將色有常不欲變動色黃白而
明吉弧矢九星在狼東南天弓也以脩盜賊嘗向
狼老人一星在弧南一曰南極常以秋風之旦見
于丙春分之夕没于丁常以秋風候之南郊明大
則人主有壽天下安寧

周禮注星土星所主土也又云大界則曰九州州中
諸國之封域於星亦有分焉其書亡矣堪輿雖有
郡國所入度非古也今其存可言者十二分之次
也星紀吳越也元枵齊也娵訾衛也降婁魯也大

梁趙也實沈晉也鶉首秦也鶉火周也鶉尾楚也
壽星鄭也大火宋也析木燕也

左傳昭公元年子產曰后帝遷實沈于大夏主參

杜注

后帝堯也大夏今晉陽縣

又曰當武王邑姜方震大叔夢帝謂

已余命而子曰虞將與之唐屬諸參而蕃育其子
孫及生有文在其手曰虞遂以命之及成王滅唐
而封太叔焉故參爲晉星由是觀之則實沈參神
也

國語董因對晉公曰歲在大梁將集天行元年始受

太谷縣志

卷一

星野

四

實沈之星也實沈之墟晉人是居所以興也以辰
出而以參入皆晉祥也

史記天官書角亢氐兗州房心豫州尾箕幽州斗江

湖牽牛婺女揚州虛危青州營室至東壁并州奎

婁胃徐州昴畢冀州觜觸參益州東井輿鬼雍州

柳七星張三河翼軫荊州

漢地里志魏地觜觸參之分埜也其界自高陵以東

盡河東河內趙地昴畢之分埜趙分晉得趙國西

有太原定襄雲中五原上黨上黨本韓之別都也

遠韓近趙後卒降趙皆趙分也

皇甫謐帝王世紀曰自胃七度至畢十一度曰大梁之次於辰在酉謂之作噩於律爲姑洗斗建在辰今趙分野自畢十二度至東井十五度曰實沈之次于辰在申謂之涿灘于律爲仲呂斗建在巳今晉魏分楚

隋地理志曰冀州于古堯都也舜分州十二冀州析置幽并其於天文自胃七度至畢十一度爲大梁屬冀州自危十六度至奎四度爲媯訥屬并州自

太谷縣志

卷一

星野

五

柳九度至張十六度爲鶉火屬三河則河內河東也准之星次本皆冀州之域

明一統志太原府禹貢冀州之域天文參井分楚通志太谷屬參井分野

按參爲晉星傳有明據遷書固志論乃紛岐舊志云晉封于唐唐堯所都今平陽也後徙曲沃徙絳遷新田其後皆屬魏地趙至襄子保晉陽滅智伯始大疆於韓魏非止晉之故地故趙分野自爲昴畢魏分野自爲觜觶參韓分野自爲角亢氐舊志

之意蓋主史漢昴畢之說耳夫上黨本韓之別都
降于趙而遂爲趙地壽星本鄭之分野滅于韓而
遂爲韓墟分合無常稱名奚定據戰國之分疆不
若攷畫州於禹貢冀州爲堯都修太原至岳陽則
外太原于唐不可也晉封於唐則外太原于晉不
可也明一統志唯大同屬昴畢漢志曰占于街北
昴主之占于街南畢主之又占日暈曰參爲趙畢
爲邊兵是昴畢自爲趙之邊境而太原主參尚何
疑乎可疑者乃在東井所謂井鬼秦之分境兩戒
山河之首不應全主乎冀然攷唐書謂西河之濱
所以設險限秦晉其地上應天關南曲之陰在晉
地衆山之陽南曲之陽在秦地衆山之陰陰陽之
氣并故與東井通是參井均無可疑也夫

太谷縣志卷一

疆域

禹貢以山川定疆域而職方以疆域紀山川降自郡縣愈以析矣晉裴司空六法爲古今量地之準然而沿革旣殊尺步亦異惟從今志以定廣輪志疆域附關隘津梁

東西延一百三十五里南北袤五十五里

東至遼州和順縣界焦紅色村一百一十五里

西至祁縣界白圭鎮一十五里

太谷縣志

卷一

疆域

一

南至祁縣界子洪鎮三十里

北至徐溝縣界楚王村二十五里

東北至榆次縣界東陽鋪三十里

東南至遼州榆社縣界馬嶺鋪七十里

西南至沁州界鋪上二十里

西北至清源縣界堯城鎮三十里

至太原府一百二十里

至順天府一千二百里

關隘

馬陵關在縣東南七十里馬陵山通古邢州路

黑虎關在縣東一百一十里八賦嶺

津梁

通濟橋在縣東門外

永濟橋在縣南門外明成化年間建康熙十二年知

縣趙希孔重建

濟民橋在縣西門外明嘉靖十九年建

利涉橋在縣北門外明萬歷年間建

大橋在縣東南二十五里奄谷內

大谷縣志

卷一

疆域

二

按太谷自金大定中割榆次二鄉來屬自是以後

雖或設晉州或隸太原路太原府而其爲縣皆未

嘗或改也前此食采封國時置時省疆域所至烏

乎知之舊志謂谷與祁犬牙交錯古今分地不一

昔之祁卽今之谷故所紀多自金以後然以沿革

考之則又非獨錯於祁並錯於榆次矣夫沿革必

歷稽於往朝疆域則一準乎今治疆域定而後風

土人物今昔之事蹟皆得視其地而分故有昔隸

於祁與榆而今隸於太谷者志之所載自其所分

之日以爲之始

大谷縣志

卷一

疆域

三

083430

